

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

Imm. 02 Atuiffik 83-01-imi 2017-imut missingersuutit, ukiunullu 2018-2020 missingersuusiorfiusunit, atuiffik 11 aamma 41-mut aningaasanik ataatsimoortumik tapiissutinit siunertanut aalajangersimasunut atuinissamik qinnuteqaat Maniitsoq

Imm. 03 Atuiffik 83-01-imi 2017-imut missingersuutit, ukiunullu 2018-2020 missingersuusiorfiusunit, atuiffik 11 aamma 41-mut aningaasanik ataatsimoortumik tapiissutinit siunertanut aalajangersimasunut atuinissamik qinnuteqaat. Sisimiut

Imm. 04 2017-imut missingersuusiorfiusumut missingersuutitigut nuutsisoqarnissaanik qinnuteqaat - Ilaqutariinnermut immikkoortortaq Maniitsoq

Imm. 05 2017-ip sinnerani aningaasaqarnikkut nalunaarusianik kinguartitsinissamik qinnuteqaat. Maniitsoq aamma Sisimiut

Paasissutissiissutit

Imm. 06 Inuit innarluutillit tapersiivigineqartarnerat pillugu Inatsisartut inatsisaannik allanguinissamut siunnersuut pillugu, tusarniaanermut akissuteqaat pillugu paasissutissiineq

Imm. 07 Namminersorlutik Oqartussat meeqqat tapersorneqarnissaat pillugu - Oqartussaasutut suliasat pillugitnalunaarut, Ilaqutariit inissiiffiusartut pillugit nalunaarut, Ulloq unnuarlugu angerlarsimaffiit pillugit nalunaarut aamma Nakkutilliinissamut nalunaarut, nalunaarutissatut siunnersuutaannut tusarnianermi akissuteqaat pillugu paasissutissiissut.

Imm. 08 Ilinniartunut immikkut pisariaqartitsisunut GUX-S-imi ilinniagaqarsinnaanerat pillugu paasissutissiineq

Imm. 09 Tamalaat

Ataatsimiinneq aallartippoq nal. 13.00

Peqataasut:

Atassut

Anna Karen Hoffmann, Emilie Olsen-imut sinniisoq, Atassut. Kangerlussuaq

Siumut

Hans Frederik Olsen, Siulittaasoq, Sisimiut
Ruth Heilmann, Maniitsoq.

Inuit Ataqatigiit

Juliane Enoksen, Næstformand, Sisimiut

Parti Naleraq

Malene Ingemann, Sisimiut

Nalunaaruteqarlutik peqataanngitsut:

Emilie Olsen, Sisimiut

Nalunaaruteqaratik peqataanngitsut

Imm. 01 Oqaluuserisassat akuersissutigineri

Aalajangiineq

Akuersissutigineqarpoq.

**Imm. 02 Atuiffik 83-01-imi 2017-imut missingersuutit, ukiunullu 2018-2020
missingersuusiorfiusunit, atuiffik 11 aamma 41-mut aningaasanik
ataatsimoortumik tapiissutinit siunertanut aalajangersimasunut atuinissamik
qinnuteqaat Maniitsoq**

Journalnr. 06.01.01

Tunuliaqutaq

Meeqqat tapersorneqarnissaannut Inatsisartut inatsisaanni nr. 20, 26. juni 2017-imeersup akuerineqareernerani, immikkut aningaasaliissuteqarnissaq juunip 30-iani 2017-imi Inatsisartunit akuersissutigineqarpoq.

Maleruagassanut tunngavissat

Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 26. juli 2012-imeersoq. Qeqqata Kommunianut karseqarnermut naatsorsuuserinermullu malittarisassat

Pissutsit atuuttut

Meeqqat tapersorneqarnissaannut Inatsisartut inatsisaat nr. 20, 26. juni 2017-imeersup akuersissutigineqarnera ilanngullugu nassiunneqartumi, ataatsimoortumik tapiissutinit aningaasaliissutit atorineqarnissaat juunip 30-iani 2017-imi Inatsisartuniit akuersissutigineqarpoq.

Ilanngussami takuneqarsinnaasutut aningaasaliissutinik tullinnguuttunut atugassanut illikartitsisoqassaaq, "Meeqqanut illersuisoq" "Malitseqartitsinermut annertusaaneq", "Angajoqqaanngortussanut neqeroorutit", "Tikeraarnermi angalanernut amerlililineq", "Meeqqanik oqaloqateqartarnek", "Tapersorsortit aamma attaveqarfissat" aammalu "Atuutilersitsinissamut allaffissornikkut aningaasartuuteqarnerunissaq".

Qeqqata Kommunianut ukiumut 2017-imut ukiunullu 2018-2020-mut ataatsimoortumik tapiissutitigut aningaasaliissutit qaffanneqarnerat pillugu, Namminersorlutik Oqartussat 2017-imi juulip tallimaani mailikkut ilisimatitsivoq.

Meeqqanut inatsisissaq nutaaq pillugu 2017-imi Nuummi ataatsimeersuarnerni marluusunut, Maniitsumiit Sisimiuniillu Ilaqutariinnermut immikkoortortaq peqataavoq, tassanilu meeqqat tapersorneqarnissaat pillugu sammineqartoq pillugu, immikkut tapiissutinik Inatsisartut akuersinerinut aallaaviumut, Namminersorlutik Oqartussanik ataatsimeeqateqarlutik.

Atuilluartuunissakkut kingunerisinnaasai

Sammissassani eqqaaneqartuni meeqqat tapersorneqarnissaannut tunngatillugu aningaasanik immikkoortitsisoqarnera pitsaasuvoq.

Aningaasaqarnikkut allaffissornikkullu kingunerisinnaasai

Tapiliussatut aningaaliissutit, Inatsisartunit akuerineqartut, ataatsimoortumik tapiissutinit isertitanut qaffaataassaaq, 2017-imi 2.148.000 koruuninik kiisalu ukiunut 2018-2020-mut missingersuusiorfiusunut 4.296.000 koruuninik.

Qeqqata Kommunianut 2017-imut missingersuutinut ukiunullu 2018-2020-mut missingersuusiorfiusunut ataatsimoorussamik tapiissutit:

**Ilaqutariinnermut Isumaginninnermullu Ataatsimiititaliap september-ip 13-ani 2017-imi
ileqqusumik ataatsimiinnera 09/2017 - Imaqarniliq**

Eqitsit 1

Atuiffik	Taaguutaa	Missing. 2017	Missiliuut 2018	Missiliuut 2019	Missiliuut 2020
83-01-00-82-01	Missing.	-254.998	-254.998	-254.998	-254.998
83-01-00-82-01	Missingersuutitigut iluarsiissutit	-2.148	-4.296	-4.296	-4.296

Ilaqutariinnermut immikkoortortap innersuussutigaa, immikkut aningaasaliissutit meeqqat tapersorsorneqarnissaannut suliniutinut kiisalu atuiffinnut tulliuuttunut atorneqassasut. Meeqqat tapersorsorneqarnissaannut atatillugu immikkut aningaasaliissutit:

Eqitsit 2 aningaasanik ataatsimoortumik tapiissutinit Inatsisartut meeqqanut inatsisaat 2017

Atuiffik	Taaguutaa	Akuersissuti	Siunertanut aalajangersima sunut aningaasaliissu tissat	2017-imut nutaamik aningaasaliissut
1100220110	Qaammammusiat allaffissorneq	6.970	+360	7.330
4101200111	Nakkutilliisunut aningaasarsiat / Akunnermusiat (Art 9400)	460	+200	660
4101203000	Illersuisumut aningaasarsiat	0	+ 94	94
4102201201	Tikeraarnermi angalanerit	161	+100	261
4109200110	Qaammammusiat	2.432	+150	2.582
4109201201	Suliniutinut misiliutaasunut atuiffik	177	+170	347
8301008201	MIssingersuutitigut iluarsiissutit	1.074	-1.074	
		11.274	+1.074	11.274

Eqitsit 3 aningaasanik ataatsimoortumik tapiissutinit Inatsisartut meeqqanut inatsisaat 2018 - 2020

Atuiffik	Taaguutaa	Akuersissuti	Siunertanut aalajangersima sunut aningaasaliissu ti	nutaamik aningaasaliissut 2018-2020
1100220110	Qaammammusiat allaffissorneq	6.970	+720	7.690
4101200111	Nakkutilliisunut aningaasarsiat / Akunnermusiat (Art 9400)	460	+400	860
4101203000	Illersuisumut aningaasarsiat	0	+188	188
4102201201	Tikeraarnermi angalanerit	161	+200	361
4109200110	Qaammammusiat	2.432	+300	2.732

***Ilaqutariinnermut Isumaginninnermullu Ataatsimiititaliap september-ip 13-ani 2017-imi
ileqqusumik ataatsimiinnera 09/2017 - Imaqarniliaq***

4109201201	Suliniutitut misiliutaasunut atuiffik	177	+340	517
8301008201	Missingersuutitigut iluarsiissutit	2.148	-2.148	
		12.348	+2.148	12.348

Atuiffik 1100220110 Qaammammusiat:

Atuutilersitsinissamut allaffissornikkut aningaasartuuteqarneruffiusussat tunngavigalugit, Maniitsumi sullissisunik qaammammusialinnik marlunnik atorfinitsineq.

Atuiffik 4101200111Nakkutilliisumut aningaasarsiat / Akunnermusiat:

Inatsisartut inatsisaat naapertorlugu, Sisimiut-ni nunaqarfiinillu tapersersorteqarnermut aamma attavissanut aningaasartuuteqarnerusoqassaaq.

Atuiffik 4101203000 Illersuisumut aningaasarsiat:

Maniitsoq-mi nunaqarfiinilu meeqqat illersuisuanut aningaasat immikkoortinneqartut.

Atuiffik 4102201201 Tikeraarnermi angalanerit:

Inatsisartut inatsisaat naapertorlugu, meeraq inuusuttorluunniit angerlarsimaffiup avataanut inissinneqarsimasoq, ukiumut marloriartumik Maniitsumut nunaqarfimmulluunniit angerlarsimaffigisaminut tikeraarluni angalasinnaatitaapput.

Atuiffik: 4109200110 Qaammammusiat:

Maniitsumi Ilaqutariinnut Inerisaavik-mut angajoqqaanngortussanut suliaqartussamik isumaginninnermi perorsaasumik qaammammusialimmik ataatsimik atorfinitsineq.

Atuiffik 4109201201 Suliniutitut misiliutitut atuiffik:

Maniitsumi nunaqarfiinilu immikkut ittumik tapersersuilluni ingerlatsinernut, soorlu angajoqqaat pikkorissarnerinut, angajoqqaarsiat pikkorissarneqarnerinut, ikiuigasuartartussanut pikkorissartitsinermut.

Allaffeqarfiup naliliinera

Maniitsumi aamma Sisimiuni Ilaqutariinnermut immikkoortortaqaarfinit nalilerneqarpoq, Inatsisartut ilassutitut aningaasaliissutissatut nalunaarusiaani, meeqqat tapersersorneqarnissaannut suliniutissatullu siunertaqartunut Inatsisartut akuersinerat pitsaasuusoq.

Innersuussut

Ilaqutariinnermut immikkoortortap Ilaqutariinnermut Isumaginninnermullu ataatsimiititaliamut innersuussutigaa

- eqitsit 1, eqitsit 2 aamma eqitsit 3 naapertorlugit atuiffik 83-01-imit 2017-imut missingersuutinit ukiunullu 2018-2020-mut missingersuusiorfiusunit, atuiffik 11 aamma 41-mut siunertanut aalajangersimasunut atuinissaq akuersissutigineqassasoq
- suliaq aningaasaqarnermut atatsimiititaliamut Kommunalbestyrelsimullu akuersissutigisassatut ingerlateqqinneqassasoq.

Aalajangiineq

Akuersissutigineqarpoq. Suliaq aningaasaqarnermut atatsimiititaliamut Kommunalbestyrelsimullu akuersissutigisassatut ingerlateqqinneqassaaq.

Ilanngussat

1. Mailip 2017-imi julip tallimaanersup naqinneqarnera + Namminersorlutik Oqartussanit ilanngussaq
2. Winformatik 2017-imut missingersuutininut ukiunullu 2018-2020-mut missingersuusiorfiusunut.

**Imm. 03 Atuiffik 83-01-imi 2017-imut missingersuutit, ukiunullu 2018-2020
missingersuusiorfusunit, atuiffik 11 aamma 41-mut aningaasanik
ataatsimoortumik tapiissutinit siunertanut aalajangersimasunut atuinissamik
qinnuteqaat. Sisimiut**

Journalnr. 06.01.01

Tunuliaqutaq

Meeqqat tapersorneqarnissaannut Inatsisartut inatsisaanni nr. 20, 26. juni 2017-imeersup akuerineqareernerani, immikkut aningaasaliissuteqarnissaq juunip 30-iani 2017-imi Inatsisartunit akuersissutigineqarpoq.

Maleruagassanut tunngavissat

Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunersiuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 26. juli 2012-imeersoq Qeqqata Kommunianut karseqarnermut naatsorsuuserinermullu malittarisassat

Pissutsit atuuttut

Meeqqat tapersorneqarnissaannut Inatsisartut inatsisaat nr. 20, 26. juni 2017-imeersup akuersissutigineqarnera ilanngullugu nassiunneqartumi, ataatsimoortumik tapiissutinit aningaasaliissutit atorineqarnissaat juunip 30-iani 2017-imi Inatsisartuniit akuersissutigineqarpoq.

Ilanngussami takuneqarsinnaasutut aningaasaliissutinik tullinnguuttunut atugassanut illikartitsisoqassaaq, "Meeqqanut illersuisoq" "Malitseqartitsinermut annertusaaneq", "Angajoqqaanngortussanut neqeroorutit", "Tikeraarnermi angalanernut amerlililineq", "Meeqqanik oqaloqateqartarnek", "Tapersorsortit aamma attaveqarfissat" aammalu "Atuutilersitsinissamut allaffissornikkut aningaasartuuteqarnerunissaq".

Qeqqata Kommunianut ukiumut 2017-imut ukiunullu 2018-2020-mut ataatsimoortumik tapiissutitigut aningaasaliissutit qaffanneqarnerat pillugu, Namminersorlutik Oqartussat 2017-imi juulip tallimaani mailikkut ilisimatitsivoq.

Meeqqanut inatsisissaq nutaaq pillugu 2017-imi Nuummi ataatsimeersuarnerni marluusunut, Maniitsumiit Sisimiuniillu Ilaqutariinnermut immikkoortortaq peqataavoq, tassanilu meeqqat tapersorneqarnissaat pillugu sammineqartoq pillugu, immikkut tapiissutinik Inatsisartut akuersinerinut aallaaviumut, Namminersorlutik Oqartussanik ataatsimeeqateqarlutik.

Atuilluartuunissakkut kingunerisinnaasai

Sammissassani eqqaaneqartuni meeqqat tapersorneqarnissaannut tunngatillugu aningaasanik immikkoortitsisoqarnera pitsaasuvoq.

Aningaasaqarnikkut allaffissornikkullu kingunerisinnaasai

Tapiliussatut aningaaliissutit, Inatsisartunit akuerineqartut, ataatsimoortumik tapiissutinit isertitanut qaffaataassaaq, 2017-imi 2.148.000 koruuninik kiisalu ukiunut 2018-2020-mut missingersuusiorfusunut 4.296.000 koruuninik.

Qeqqata Kommunianut 2017-imut missingersuutinut ukiunullu 2018-2020-mut missingersuusiorfusunut ataatsimoorussamik tapiissutit:

Ilaqtariinnermut Isumaginninnermullu Ataatsimiititaliap september-ip 13-ani 2017-imi ileqqusumik ataatsimiinnera 09/2017 - Imaqarniliaq

Eqitsit 1

Atuiffik	Taaguutaa	Missing. 2017	Missiliuut 2018	Missiliuut 2019	Missiliuut 2020
83-01-00-82-01	Missing.	-254.998	-254.998	-254.998	-254.998
83-01-00-82-01	Missingersuutitigut iluarsiissutit	-2.148	-4.296	-4.296	-4.296

Ilaqtariinnermut immikkoortortap innersuussutigaa, immikkut aningaasaliissutit meeqqat tapersersorneqarnissaannut suliniutinut kiisalu atuiffinnut tulliuuttunut atorneqassasut.

Meeqqat tapersersorneqarnissaannut atatillugu immikkut aningaasaliissutit:

Eqitsit 2

Atuiffik	Taaguutaa	Akuersi ssutit	Siunertanut aalajangersima sunut aningaasaliissu tissat	2017-imut nutaamik aningaasaliissu t
1100120110	Qaammammusiat allaffissorneq	7.830	+360	8.190
4101100111	Tapersersortit Sisimiut akunnermusiat	628	+220	848
4101300111	Tapersersortit Kangerlussuaq akunnermusiat	193	+50	243
4101400111	Tapersersortit Sarfannguit akunnermusiat	6	+50	56
4101500111	Tapersersortit Itilleq akunnermusiat	62	+50	112
4102101200	Tikeraarnerit	59	+100	159
4109100111	Meeqqanut illersuisumut akissarsiat akunnermusiat	62	+94	156
4109100110	Angajoqqaanngortussanut neqeroorut qaammammusiat	3.075	+150	3.225
8301008201	Missingersuutitigut iluarsiissutit	1.074	-1.074	
		12.989	+1.074	12.989

Eqitsit 3

Atuiffik	Taaguutaa	Akuersi ssutit	Siunertanut aalajangersima sunut aningaasaliissu tissat	2018-2020- imut nutaamik aningaasaliissu t
1100120110	Qaammammusiat allaffissorneq	7.830	+720	8.190
4101100111	Tapersersortit Sisimiut akunnermusiat	628	+440	848

***Ilaqutariinnermut Isumaginninnermullu Ataatsimiititaliap september-ip 13-ani 2017-imi
ileqqusumik ataatsimiinnera 09/2017 - Imaqarniliaq***

4101300111	Tapersersortit Kangerlussuaq akunnermusiat	193	+100	243
4101400111	Tapersersortit Sarfannguit akunnermusiat	6	+100	56
4101500111	Tapersersortit Itilleq akunnermusiat	62	+100	112
4102101200	Tikeraarnerit	59	+200	159
4109100111	Meeqqanut illersuisumut akissarsiat akunnermusiat	62	+188	156
4109100110	Angajoqqaanngortussanut neqeroorut qaammammusiat	3.075	+300	3.225
8301008201	Missingersuutitigut iluarsiissutit	1.074	-2.148	
		12.989	+2.148	12.989

Atuiffik 1100120110 Qaammammusiat:

Atuutilersitsinissamat allaffissornikkut aningaasartuuteqarneruffiusussat tunngavigalugit, Sisimiut-ni sullissisunik qaammammusialinnik marlunnik atorfinititsineq.

Atuiffik 4101100111, 4101300111, 4101400111 aamma 4101500111 Akunnermusiat:

Inatsisartut inatsisaat naapertorlugu, Sisimiut-ni nunaqarfiinillu tapersersorteqarnermut aamma attavissanut aningaasartuuteqarnerusoqassaaq.

Atuiffik 4102101200 Angalanermut aningaasartuutit:

Inatsisartut inatsisaat naapertorlugu, meeraq inuusuttorluunniit angerlarsimaffiup avataanut inissinneqarsimasoq, ukiumut marloriartumik Sisimiut-nut nunaqarfimmulluunniit angerlarsimaffigisaminut tikeraarluni angalasinnaatitaapput.

Atuiffik 4109100110 Illersuisumut aningaasarsiat:

Sisimiut-ni nunaqarfiinilu meeqqat illersuisuanut aningaasat immikkoortinneqartut.

Atuiffik 4109100110 Qaammammusiat:

Sisimiut-ni Ilaqutariinnut Kiffartuussivimmuut angajoqqaanngortussanut suliaqartussamik isumaginninnermi perorsaasumik qaammammusialimmik ataatsimik atorfinititsineq.

Allaffeqarfiup naliliinera

Maniitsumi aamma Sisimiuni Ilaqutariinnermut immikkoortorta qarfinnit nalilerneqarpoq, Inatsisartut ilassutitut aningaasaliissutissatut nalunaarusiaani, meeqqat tapersersorneqarnissaannut suliniutissatullu siunertaqartunut Inatsisartut akuersinerat pitsaasuusoq.

Innersuussut

Ilaqutariinnermut immikkoortortap Ilaqutariinnermut Isumaginninnermullu ataatsimiititaliamut innersuussutigaa

- eqitsit 1, eqitsit 2 aamma eqitsit 3 naapertorlugit atuiffik 83-01-imit 2017-imut missingersuutinit ukiunullu 2018-2020-mut missingersuusiorfiusunit, atuiffik 11 aamma 41-mut siunertanut aalajangersimasunut atuinisaaq akuersissutigineqassasoq
- suliaq aningaasaqarnermut ataatsimiititaliamut Kommunalbestyrelsimullu akuersissutigisassatut ingerlateqqinneqassasoq.

Aalajangiineq

Akuersissutigineqarpoq suliarlu aningaasaqarnermut ataatsimiititaliamut Kommunalbestyrelsimullu akuersissutigisassatut ingerlateqqinneqassaaq, taamaakkaluortoq eqitsit 3-mi Akuersissutit 8301008201 nalaanni kisitsit eqqortoq tassaassaaq kr. 2.148

Malene Ingemann-ip akuersissutigaa kissaatigaalu aalajangiinnermi allanneqassasoq siunissami illoqarfimmi sumiikkaluraanniluunniit inuttoqqussuseq malillugu agguariaaseq ujartorneqassasoq aningaasanik aggueriaaseq 50/50 atuinnaagu.

Ilanngussat

1. Mailip 2017-imi juulip tallimaanersup naqinneqarnera + Namminersorlutik Oqartussanit ilanngussaq
2. Winformatiki 2017-imut missingersuutinit ukiunullu 2018-2020-mut missingersuusiorfiusunut.

**Ilaqutariinnermut Isumaginninnermullu Ataatsimiititaliap september-ip 13-ani 2017-imi
ileqquusumik ataatsimiinnera 09/2017 - Imaqarniliaq**

**Imm. 04 2017-imut missingersuusiorfiusumut missingersuutitigut nuutsisoqarnissaanik
qinnuteqaat - Ilaqutariinnermut immikkoortortaq Maniitsoq**

Journalnr. 06.02.04

Tunuliaqutaq

Atuiffik 4 – Maniitsoq, ukiup sinneranut aningaasaqarnermut nalunaarusiaq aallaavigalugu, missingersuutinik iluarsissuteqarnissaq pisariaqarpoq.

Atuiffik 4-mi missingersuutitigut iluarsissuteqartoqarnissaa, Ilaqutariinnermut Immikkoortortaqarfimmit innersuussutigineqarpoq.

Maleruagassanut tunngavissat

Qeqqata Kommuniani kasseqarnermut naatsorsuuserisarnermullu malittarisassani imm. 3.3 naapertorlugu Kommunalbestyrelse aalajangiisussaataavoq.

Pissutsit atuuttut

Ukiup sinneranut atuiffik 4-mut missingersuutitigut iluarsissuteqarnissaq pisariaqarpoq. Tamannalu pissuteqarpoq ilaatigut meeqqat ulloq unnuarlu paaqqinnittarfimmiittunut aningaasartuutissatut missingersuutit annertunerummata kiisalu atuiffiit ilai iluarsissuteqarfigineqarmata

Eqitsit 1: Atuiffik 4 iluani nuutsisoqarnissaanik qinnuteqaat

Atuiffik	Taaguutaa	Akuersissutit	Tapiissutit	Aningaasaliissut nutaaq
41	Meeqqanut inuusuttunullu ikiorsiiniutit	20.341	5.966	26.307
43	Isumaginn Siusinaarl Soraarnerussutisiat	8.423	-1.568	6.855
45	Pisortanit ikiorsiissutit	6.224	-470	5.754
46	Isumaginn Aningaasartuutit allat	841	-430	411
47	Utoqqarnik isumaginninneq	31.895	-527	31.368
48	Innarluutilinnut tunngasut	34.711	-2.971	31.740
	Pisariaqartitat katillugit	102.435	0	102.435

Eqitsik 1-mi takuneqarsinnaapput ilanngussami 1 aammalu ilanngussaq 2 ”aappaluttumik” nalunaatutserneqarsimallutik

Atuiffik 41-01-20 Ikiorsiissutit suliniutinut

Meeqqanik isumaginninnermi aningaasartuutinut allanut, naatsorsuutigisamit atuinikiffiuvoq.

Atuiffik 41-02-20 Nalinginn.Ilaqutariinni meerarsiaqartitsineq

Meeqqanut atisanut kaasarfimmisnullu, naatsorsuutigisamit atuinikiffiuvoq.

Atuiffik 41-03-20 Inissiigasuartitsineq ilaqutariinni meerarsiaqartitsinermi

Naatsorsuutigisamit ilaqutariinnut inissiigallarnerit annikinnerupput.

Atuiffik 41-04-20Inuuniutingalugu ilaqutariinni meerarsiaqartitsineq

***Ilaqutariinnermut Isumaginninnermullu Ataatsimiititaliap september-ip 13-ani 2017-imi
ileqquusumik ataatsimiinnera 09/2017 - Imaqarniliaq***

Inuuniutigalugu ilaqutariinni meerarsiaqartitsinermi naatsorsuutigisamit -113.000 koruuninik atuinikiffiuvoq.

Atuiffik 41-07-20 Ulloq unnuarlu paaqqinnittarfiit namminersortit
Ulloq unnuarlu paaqqinnittarfiit namminersortuni natsorsuutigisamit + 6.325.000 koruuninik sippuilluni atuiffiuvoq, meeqqat inissinneqarsimasut tallimanik amerleriaateqarnerat kiisalu ukioq manna angerlartitsinissaq naatsorsuutigineqannginnera patsisaallutik.
Inuusuttoq ataaseq Timi Asimi-mut peqataavoq.

Atuiffik 41-08-20 Pinaveersartitsinermi isumaginninnermi suliniutut, inissiaq inuusuttunut
Atuiffiit iluini iluarsisuteqarnissaq pisariaqarpoq.

Atuiffik 41-09-20 Familiecenter
Atuiffiit iluini iluarsisuteqartoqarnikuuvoq, taamaalilluni -101.000 koruuninik atuinikiffiussalluni, tassa naatsorsuutigisamit Namminersorlutik Oqartussat annertunerusumik tapiissuteqarnerat patsisaalluni.

Atuiffik 43-03-20 Siusinaal.soraarneruss. kingorna 1/7-16
Siusinaartumik pensionisiat iluini atuiffinni, -1.568.000 koruuninik atuinikiffiusoq
naatsorsorneqarpoq

Atuiffik 45-01-20, 45-01-60 kiisalu 45-01-70 Pisortanik ikiuutit
Maniitsoq-mi nunaqarfinilu pisortanik ikiuutit ataani pisariaqavissuinnarnut ikiuutini
naatsorsuutigisamit -51.000 koruuninik atuinikiffiupput, taamaattorli Maniitsoq-mi ataasiartumik
ikiorsisutitut +191.000 koruuninik nuutsisoqarnissaanik qinnuteqartoqarpoq

Atuiffik 46-02-20 Isumaginninnermi inissiat
Isumaginninnermi aningaasartuutit allat, 2016-imi isumaginninnermi inissiap ikuallannerata
kingorna. Ilaqutariinnermut immikkoortortaq maannakkut inissiamik nutaamik attartugaqalerpoq.
Atuiffimmi nuutsinissamik pisariaqartitsisoqarpoq, - 40.000 koruuninik atuinikiffiussaaq.

Atuiffik 47-01-20, 47-01-60-47-01-60 aamma 47-01-70 kiisalu 47-01-80 Utoqqalinersiat
Maniitsoq-mi utoqqarnut immikkoortortamit Kangaamiut-nut/Napasog-mut/Atammik-mut
nuutsisoqarnissaanik qinnuteqartoqarpoq.

Atuiffik 47-02-20, 47-02-60 aamma 47-02-70 kiisalu 47-02-80 Angerlarsimaffimmi ikiorteqarneq
Maniitsoq-mi sippuilluni atuisoqarnissaa kiisalu nunaqarfinni atuinikiffiusoqarnissaa
naatsorsuutigineqarpoq.

Atuiffik 47-09-20 aamma 47-09-60 Utoqqaat angerlarsimaffiat
Maniitsoq-mi utoqqaat illuani + 1.132.000 koruuninik sippuilluni atuisoqarnissaa
natsorsuutigineqarpoq. Atuiffinni annikinnerusumik nuutsisoqarnissaa pisariaqarpoq, Maniitsoq-mi
Kangaamiut-nilu innarluutillit najugaqarnerinut akilersuutini, ukiup sinneranut 767.000 koruuninik
annikinnerusumik isertitaqartoqarnissaa naatsorsuutigineqarpoq.

Atuiffik 48-02-20 Innarluutillit
Ukiup sinneranut missingersuutit naapertorlugit atuinikiffiunissaa naatsorsuutigineqarpoq,
taamaammallu atuiffinnut allanut pisariaqartitsisunut katillugit 2.971.000 koruuninik
missingersuutitigut nuutsisoqarnissaanik qinnuteqartoqarpoq.

Atuilluartuunissakkut kingunerisinnaasai

Atuiffik 4-p iluani atuiffinnut allanut missingersuutitigut nuutsinikkut, immikkut aningaasaliissutinik qinnuteqartoqassanngilaq.

Aningaasaqarnikkut allaffissornikkullu kingunerisinnaasai

Ilaqutariinnermut immikkoortortami atuiffinni pisariaqartitsiviusuni missingersuutitigut nuutsinikkut, ukiup sinneranut atuiffinni allani missingersuutitigut sippuilluni atuinissaraluaq ingalassimaartinneqassaaq.

Allaffeqarfiup naliliinera

Atuiffiit tamaasa misissorneqareernerisa kingorna, ukiup sinneranut Ilaqutariinnermut immikkoortortani atuiffinnut pisariaqartitsiffiusunut missingersuutitigut nuutsisoqarnissamik qinnuteqaateqartoqarpoq.

Innersuussut

Ilaqutariinnermut immikkoortortaq Maniitsoq, Ilaqutariinnermut isumaginninnermullu ataatsimiititaliamut innersuussivoq, eqitsit 1 malillugu missingersuutitigut nuutsinissamut siunnersuut akuersissutigineqassasoq, inaarutaasumillu akuerisassanngorlugu Aningaasaqarnermut ataatsimiititaliamut ingerlatitseqqissasoq.

Aalajangiineq

Akuersissutigineqarpoq suliarlu Aningaasaqarnermut ataatsimiititaliamut ingerlatitseqqissaaq.

Ilanngussat

1. Oqimaaqatigiisitsineq atuiffik 4 – Maniitsoq
2. Atuiffinnut ataasiakkaanut takussutissiaq

**Imm. 05 2017-ip sinnerani aningaasaqarnikkut nalunaarusianik kinguartitsinissamik
qinnuteqaat. Maniitsoq aamma Sisimiut**

Journalnr. 06.00.01

Tunuliaqutaq

2017-ip sinnerani qaammatikkaartumik aningaasaqarnikkut nalunaarusianik kinguartitsisoqarnissaa pillugu Maniitsumi Sisimiunilu Ilaqutariinnermut immikkoortut qinnuteqaatigaat.

Maleruagassanut tunggavissat
Soqaangilaq.

Pissutsit atuuttut

Qarasaasiamik nutaamik Windows 10 ikkussisoqarmat, Maniitsumi Sisimiunilu ilaqutariinnermut immikkoortut, sapaatip akunnera kingulleq illup iluani avataanilu qarasaasiatigut aamma qarasaasiatigut attaveqaatinik unammillernartoqarnikuuvoq. Tamatuma kingunerivaa, illup avataani immikkoortuni qarasaasiamikkut immikkoortortaminnut oqiimaaqatigiisitsinernik anillatsitsisinnaasimanatik, kiisalu atuinerminni oqiimaaqatigiisitsinernik nalunaarutissallu killiffiinik Ilaqutariinnermut pisortamut nalunaarusiorsinnaasimanatik.

Tamatuma kingunerivaa, aggustimut qaammammut nalunaarut, 2017-imi septembarip 13-iani atatsimiititaliap ataatsimiinnissaanut oqaluserisassanut ilanngunneqarnissaanut, piffissaq eqqorlugu naammassineqarsinnaasimanani.

Atuilluartuunissakkut kingunerisinnaasai
Oqaaseqaatissaqaangilaq.

Aningaasaqarnikkut allaffissornikkullu kingunerisinnaasai
Oqaaseqaatissaqaangilaq.

Allaffeqarfiup naliliinera

Maniitsumi Sisimiunilu Ilaqutariinnermut immikkoortut inassuteqaatigaat, siunnersuutigineqartut aningaasaqarnikkut nalunaarusiat qaammatini aggersuni ataatsimiititaliamut saqqummiuneqartarnissaat, ilaatigut qarasaasiatigut attaveqaatinik unammillernartoqarsimanera, kiisalu ataatsimiititaliap ataatsimiittarnissai aggersut ukiup sinnerani siusinnerusukkut ingerlanneqartartussaanerat peqqutigalugu:

2017-imi aggustimut qaammammut nalunaarusiaq 2017-imi oktobarip aqqarnani ataatsimiititaliap ataatsimiinnissaani ilanngunneqassasoq

2017-imi qaammatinik pingasukkaarinnermut qaammatit pingasukkaarnerata pingajuannut nalunaarusiaq 2017-imi novembarip arfineq-pingajuani ataatsimiititaliap ataatsimiinnissaani ilanngunneqassasoq

2017-imi oktobarimut qaammammut nalunaarusiaq 2017-imi decembarip arfernani ataatsimiititaliap ataatsimiinnissaani ilanngunneqassasoq

2017-imi novembarimut qaammammut nalunaarusiaq 2018-imi januaarimi ataatsimiititaliap ataatsimiinnissaani ilanngunneqassasoq

2017-imut ukiumut nalunaarusiaq pilersaarutaareersutut 2018-imi februaarimi ataatsimiititaliap ataatsimiinnissaani ilanngunneqassasoq

Innersuussut

Ilaqutariinnermut immikkoortup Ilaqutariinnermut Isumaginninnermullu Ataatsimiititaliamut innersuussutigaa

- 2017-imut aggustimut qaammammumut nalunaarusiaq 2017-imi oktobarip aqqarnani ataatsimiititaliap ataatsimiinnissaani ilanngunneqassasoq
- 2017-imi qaammatinik pingasukkaarinermut qaammatit pingasukkaarnerata pingajuannut nalunaarusiaq 2017-imi novembarip arfineq-pingajuani ataatsimiititaliap ataatsimiinnissaani ilanngunneqassasoq
- 2017-imi oktobarimut qaammammumut nalunaarusiaq 2017-imi decembarip arfernani ataatsimiititaliap ataatsimiinnissaani ilanngunneqassasoq
- 2017-imi novembarimut qaammammumut nalunaarusiaq 2018-imi januaarimi ataatsimiititaliap ataatsimiinnissaani ilanngunneqassasoq
- 2017-imut ukiumut nalunaarusiaq pilersaarutaareersutut 2018-imi februaarimi ataatsimiititaliap ataatsimiinnissaani ilanngunneqassasoq

Aalajangiineq

Akuersissutigineqarpoq. Ukiumoortumik nalunaarusiaq 2018 januar-i naatinnagu ataatsimiititaliamit suliarineqariissaaq. Aappaagumut ataatsimiiffissat allaffeqarfimmiit siunnersuutigineqassapput.

Ilanngussat

Soqanngilaq

Paasissutissiisutit

Imm. 06 Inuit innarluutillit tapersiivigineqartarnerat pillugu Inatsisartut inatsisaannik allannguissamut siunnersuut pillugu, tusarniaanermut akissuteqaat pillugu paasissutissiineq

Journalnr. 91.04

Tunuliaqutaq

Inuit innarluutillit tapersiivigineqartarnerat pillugu Inatsisartut inatsisaannik allannguissamut siunnersuut pillugu, tusarniummik kingusinnerpaamik ulloq 22.08 2017 akisassamik tigusaqarpoq.

Maleruagassanut tungavissat

Inuit innarluutillit tapersiivigineqartarnerat pillugu Inatsisartut inatsisaannut nr. xx.xxx 2017 siunnersuut.

Pissutsit atuuttut

Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalakkersuisoqarfiup juunip tallimaani 2017-imi, Inuit innarluutillit tapersiivigineqartarnerat pillugu Inatsisartut inatsisaannik allannguissamut siunnersuut pillugu, tusarniut nassiuppaa.

Siunnersuutip pingaarnertut anguniagaraa, akisussaaffiit suliassat ersarissumik agguataarneqarnerisigut, inunnut innarluutilinnut tamanut sullissinerup inatsisitigullu isumannaatsuunissap pitsanngorsarnissaa.

Ataasiakkaaraluni tamakkiisumillu tapersersiuinissaq sammeneqarpoq, ungasinnerusoq eqqarsaatigalugu inuit innarluutillit angerlarsimaffiup avataanut inissinneqartariaqaetartut ikinnerulernissaat kiisalu inatsisartut inatsisaatigut inunnut innarluutilinnut tapersersorneqarnissaminnik pisariaqartitsisunut periarfissiissaaq.

Siunnersuut aqutigalugu inuit innarluutillit pisinnaatitaaffii pitsanngorsaaffigineqarput, ingerlatsivinnilu oqartussaasut akornanni suleqatigiinnermik erseqqinnerulersillunilu oqilisaaffigaa, pingaartumik kommunalbestyrelsit aamma Naalakkersuisut suleqatigiinnerat.

Atuilluartuunissakkut kingunerisinnaasai

Inunnut innarluutilinnut sullissineq pitsaanerusoq inatsisitigullu isumannaatsuunerusoq inunnut innarluutilinnut inuunermi atugarisatigut pitsanngorsaataassaaq, tamannalu kommunimi ineriartornermut atuilluarnermik pitsaanerulersitsisuususaalluni.

Aningaasaqarnikkut allaffissornikkullu kingunerisinnaasai

Siunnersuutip pisortanut kinguneqarnissaa naatsorsuutigineqanngilaq.

Allaffeqarfiup naliliinera

Sisimiuni Maniitsumilu Ilaqutariinnermut immikkoortortat inatsimmut siunnersuut eqqartorpaat, tusarniaanermullu akissut kakkiusaaq suliarisimallugu, taanna Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalakkersuisoqarfimmut ulloq 22 august 2017 nassiunneqarsimavoq.

Innersuussut

Ilaqutariinnermut immikkoortortaqaqfimmiit Ilaqutariinnermut Isumaginninnermullu
Ataatsimiititaliamut innersuussutigineqarpoq

- ilisimatitsissut Ilaqutariinnermut Isumaginninnermullu Ataatsimiititaliamit tusaatissatut
tiguneqassasoq

Aalajangiineq

Tusaatissatut tiguneqarpoq. Namminersorlutik oqartussaniit tusarniaanerit
saqqummiunneqaraangata ilaasortat ilisimatinneqartassapput.

Ilanngussat

1. Inuit innarluutillit tapersiivigineqartarnerat pillugu Inatsisartut inatsisaannut nr. xx.xxx 2017
siunnersuut.
2. Siunnersuummut oqaaseqaatit
3. Inuit innarluutillit tapersiivigineqartarnerat pillugu Inatsisartut inatsisaannik allannguinnessamut
siunnersuut pillugu, Qeqqata Kommuniata tusarniaanermut akissuteqaataa

Imm. 07 Namminersorlutik Oqartussat meeqqat tapersorsorneqarnissaat pillugu - Oqartussaasutut suliaasat pillugitnalunaarut, Ilaqutariit inissiiffiusartut pillugit nalunaarut, Ulloq unnuarlugu angerlarsimaffiit pillugit nalunaarut aamma Nakkutilliinissamut nalunaarut, nalunaarutissatut siunnersuutaannut tusarnianermi akissuteqaat pillugu paasissutissiissut

Journalnr. 42.00

Tunuliaqutaq

Naalakkersuisut ataatsimiinnermi UPA2017-imi Meeqqat tapersorsorneqarnissaannut Inatsisartut inatsisissaattut siunnersuummik saqqummiussa qarput. Meeqqat tapersorsorneqarnissaannut Inatsisartut inatsisissaattut siunnersuut aalajangersakkanik arlalinnik Naalakkersuisut nalunaarusiornissaannut peqquneqarnerannik imaluunniit nalunaarusiorsinnaanermik periarfissinneqarnerannik ima qarpoq.

Taamaammatt Isumaginninnermut, Ilaqutariinnermut, Naligiissitaanermut Inatsisinillu Atuutsitsinermut Naalakkersuisoqarfik Meeqqat tapersorsorneqarnissaannut Inatsisartut inatsisaannik tunngaveqarluni nalunaarutitut sisamanut missingiutinik suliaqarsimavoq, inatsisip atuutilersinnera naatsorsuutaavoq. Tusarniaanermut killiliussa: Sisamangorneq 15. juni 2017

Maleruagassanut tunngavissat

Namminersorlutik Oqartussanit nalunaarutissatut siunnersuutit:

- meeqqat tapersorsorneqarnissaat (oqartussaasutut suliaasat pillugitnalunaarut)
- Ilaqutariit inissiiffiusartut (ilaqutariit inissiiffiusartut pillugit nalunaarut)
- Ulloq unnuarlu angerlarsimaffiit pilersinnissaat ingerlannissaallu (ulloq unnuarlu angerlarsimaffiit pillugit nalunaarut)
- Ilaqutariinnik inissiiffiusartunik aamma ulloq unnuarlu angerlarsimaffinnik nakkutilliineq (nakkutilliinissamut nalunaarut)

Pissutsit atuuttut

Meeqqat tapersorsorneqarnissaat pillugu nalunaarutissatut siunnersuummik Isumaginninnermut, Ilaqutariinnermut, Naligiissitaanermut Inatsisinillu atuutitsinermut Naalakkersuisoqarfik 2017-imi maajip 16-iani nassiusa qarpoq.

Meeqqanut inuusuttunullu tapersiisarneq pillugu Inatsisartut inatsisissaattut siunnersuut, kommunini meeqqanut inuusuttunullu immikkoortuni atuuffiusuni, pingaarnertut ersarissaaneruvoq aammalu immikkoortuni ataasiakkaani pisussaaffinnik sukateriffiulluni. Naalakkersuisut nunap ilaani 2014-2016-imut nakkutilliartortarneranni paasineqarpoq, inatsit atuuttoq kommuninullu piomasaaqateqarneq annertuumik malinneqanngitsut, taamaattumillu inatsisit atuuttut kommuninit malinneqarnissaat nakkutigineqarneruleqqullugu kommunip pisussaaffiik erseqqissaanissaq pisariaqarpoq.

Atuilluartuunissakkut kingunerisinnaasai

Nalunaarut nunami maani meeqqanut inuusuttunullu pisinnaatitaarffiinik nukittunerulernermik malitseqassaaq, taamaalillunilu atuilluartumik ineriartornermut siuarsaataassalluni.

Aningaasaqarnikkut allaffissornikkullu kingunerisinnaasai

Siunnersuutip pisortanut kinguneqarnissaa naatsorsuutigineqanngilaq.

Allaffeqarfiup naliliinera

2017-imi juunip 16-iani nalunaarutinut sisamaasunut Inatsisartut inatsisissaattut allannguutissanik Isumaginninnermut, Ilaqutariinnermut, Naligiissitaanermut Inatsinillu atuutsitsinermut Naalackersuisoqarfimmit nassiunneqartunut, tusarniaanermi akissummik ilanngunneqartumik allaffeqarfik ilusiliinikuvoq

Innersuussut

Ilaqutariinnermut immikkoortortap Ilaqutariinnermut isumaginninnermullu ataatsimiititaliamut innersuussutigivaa,

- Inatsisartut inatsisaannik allannguinnissamut siunnersuut pillugu tusarniaanermi akissuteqaat tusaatissatut tiguneqassasoq

Aalajangiineq

Tusaatissatut tiguneqarpoq. Namminersorlutik oqartussaniit tusarniaanerit saqqummiunneqaraangata ilaasortat ilisimatinneqartassapput.

Ilanngussat

1. Meeqqat tapersersorneqarnissaat pillugu Namminersorlutik Oqartussat nalunaarutissatut siunnersuutaat nr. xx, xx. xxx 2017-meersoq
2. Oqartussatut suliaasat pillugit nalunaarutissaq pillugu tusarniaanermi allagaq
3. Meeqqat tapersersorneqarnissaat pillugu nalunaarutissatut siunnersuut pillugu Qeqqata Kommuniata tusarniaanermi akissuteqaataa

Imm. 08 Ilinniartunut immikkut pisariaqartitsisunut GUX-S-imi ilinniagaqarsinnaaneratt pillugu paasissutissiineq

Journalnr. 47.00

Tunuliaqutaq

GUX-imi ilinniartitsisup ataatsimeeqatigenerata kingorna, ilinniartunut immikkut pisariaqartitsisunut GUX-S-imi ilinniagaqarsinnaaneratt pillugu Sisimiuni GUX-iminngaanniik paasissutissat tiguneqarput.

Maleruagassanut tunngavissat

Ilinniarnertuunngorniartarneq pillugu Inatsisartut inatsisaat nr. 13, 22. november 2011-meersoq

Pissutsit atuuttut

Sisimiuni Ilaqutariinnermut immikkoortortami ilaqutariinnermut pisortap Sisimiuni GUX-imi ilinniartitsisoq 2017-imi aggustip pingajuani ataatsimeeqatigaa, tassani inunnut innarluutilinnut nappaatilinnulluunniit neqeroorutit nutaat ilisarititsissutigineqarsimallutik.

Maniitsumi ilaqutariinnermut pisortaq allamik pisassaqarami peqataasinnaasimanngilaq. GUX-S-imi periarfissamut paasissutissat Ilaqutariinnermut immikkoortortamut Maniitsumut nassiuuneqareerput.

Atuilluartuunissakkut kingunerisinnaasai

Immikkut pisariaqartitsillutik ilinnialerusuttut ukkassimaarneqarneri atuilluartuuneruvoq, taamaalillutik inuit innarluutillit nappaatillilluunniit nalinginnaasumik ingerlallutik ilinniarnertuunngorniartarneq naammassisinnaalerlugu.

Aningaasaqarnikkut allaffissornikkullu kingunerisinnaasai

Siunnersuut Ilaqutariinnermut immikkoortortarmut kinguneqarsinnaasasoq naatsorsuutigineqanngilaq.

Allaffeqarfiup naliliinera

Maniitsumi Sisimiunilu Ilaqutariinnermut immikkoortortat, inuit innarluutillit nappaatillilluunniit nalinginnaasumik ingerlallutik peqatitik ilutigalugit, namminermisuulli unammilligassaqaqanngikkaluit, ilinniarnertuunngorniarnermik naammassinnissinnaalernerat suliniutitut ajunngitsutut isigaat.

Ilaqutariinnermut immikkoortortap inuit uunga ilinniagaqarnissamut piukkunnarsinnaasut oqaloqatigisarusuppai.

Innersuussut

Ilaqutariinnermut immikkoortortap Ilaqutariinnermut Isumaginninnermullu Ataatsimiititaliamut innersuusutigaa

- Ilinniartunut immikkut pisariaqartitsisunut GUX-S-imi ilinniagaqarnissaannut paasissutissiissut tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussat

1. Ilinniartunut immikkut pisariaqartitsisunut GUX-S-imi ilinniagaqarsinnaanerit pillugu paasissutissat
2. Ilinniartunut immikkut pisariaqartitsisunut GUX-S-imi ilinniagaqarsinnaanerit pillugu paasissutissat allat qallunaatut
3. Ilinniartunut immikkut pisariaqartitsisunut GUX-S-imi ilinniagaqarsinnaanerit pillugu paasissutissat allat kalaallisut
4. Ilinniartitaanermit, Kultureqarnermit, Ilisimatusarnermit, Ilageeqarnermullu Naalackersuisoqarfimmiit allakkat qallunaatut kalaallisullu allaqasut

Imm. 09 Tamalaat

Anna Karen Hoffmannip kaammattuutigaa IT-mi atortorissaarutinut ajornartooraani nalornigaannilu kommunimi sulisunut saaffiginnissinnaanermut periarfissaq atorluarneqassasoq.